

ben unde belenen in unde mit crafft dusses breves mit allen den hoven, tegeden unde frigheyden, also hir na ghescreven stan, also nemptliken mit eynem sedelhove mit dren hoven landes gelegen to Tudinghusen; mit eyner hove landes gelegen to Lutteringhusen, mit einem sedelhove unde eyner hove landes gelegen to Asche, den tegeden vor den sulven hoff unde hove landes to Asche, mit deme tegeden over Asche mit fogedien, friheyden, unde mit den tegeden, gherichten, rechte unde ghebeyde over de vorghescreven gude, unde mit aller slachten nud unde tobehoringe gelegen in dorpen, in holte, in felde, in watere, in wischen unde in weyden, besocht unde unbesocht, nicht utghescheyden, unde anders alle tobehoringe, also wy dat Johanse Grotejane, unsim scrivere unde leven getruwen, menliken gelenet hadden, dar he uns eyne summen goldes vor gegeben hadde, de se ome weder gegeben hebben, unde he sodane lein also vor uns one upghedragen hefft, unde in sodannen vorgeanten guden Gesen van Ystorppe, Hildebrande van Holthusen seliger wedeve, noch eine rechte liffucht hefft. Doch schal de genante Hinrik van deme Hagen also ein eldeste unde Ernst, sin brader, unde ore erven de genante Gesen van Ystorp an den vorghescreven guden orer liffucht nicht behinderen, sunder se rauweliken daranne besitten unde gebruken laten, alle de wile unde so lange se lebet, so wy de or vorscreven verbrevet hebben, ane gheverde. Unde wan de genante Gese van Ystorp also von dodes wegen voffallen is, so schullen unde mogen de genante Hinrik van dem Haghen also de eldeste unde Ernst, sin brader, unde ore erven sek sodaner vorgescreven gude mit allen oren vorgescreven tobehoringen underwinden unde der ghebrucken ane unse, unser erven unde nakomen hinder noch insaghe, unde we en schullen noch en willen se denne daranne nicht behinderen noch behinderen laten, sunder se daranne rauweliken besitten unde bruken laten mit alle den guden vorghescreven, so se Hildebrandt van Holthusen seliger von aldere von uns to lene hadde, ane gheverde, unde we vorgeante hertoge Otte, unse erven unde nakomen schullen